



Bases des Prèmis des Letres Mn. Amiell 2025

Concours literari en lengua occitana-aranesa

1. Objècte deth concurs

Es Prèmis des Letres Mn. Amiell an coma finalitat arreconéisher, estimular e difóner era creacion literària e culturau en lengua e cultura occitana-aranesa, atau coma promòir iniciatiues destacades de difusion e normalizacion lingüística.

Eth concurs ret aumenatge a Mn. Jusèp Amiell Solé (1930–2024), figura clau ena defensa e promocion dera lengua e era cultura occitana-aranesa.

2. Entitats convocantes

Es Prèmis son convocadi pera Fondacion Privada AGER, damb era collaboracion der Institut d'Estudis Aranès – Academia Aranesa dera Lengua Occitana, e eth supòrt deth Departament de Cultura dera Generalitat de Catalonha.

3. Modalitats

Eth concurs s'estructure en tres modalitats independentes:

Modalitat A – Narrativa e òbra literària o de divulgacion en lengua occitana

Objècte:

Fomentar e arreconéisher era creacion literària, de recèrca o divulgacion escrita en quinsevolha varietat dera lengua occitana, damb especiau atencion ara aranesa, que contribuïske ath prestigi e ara vitalitat culturau dera lengua pròpia.

Participaires:

Pòden participà'i autors e autores majors de 16 ans, de quinsevolh territòri, damb òbres escrites en lengua occitana.

Requisits:

- En aguesta prumèra edicion (2025) s'admeteràn tant òbres inedites coma òbres ja publicades, que non agen estat premiades en d'auti concorsi.
- Es òbres publicades auràn d'indicar era editoriau, an d'edicion e ISBN (se n'i a).
- Se poderàn presentar:
 - Relats cuerti, narracions, novèlles brèus o complètes.
 - Òbres de recèrca, assag, memòria orau, cronica o divulgacion culturau, istorica, naturalista o patrimoniu, tostemp que siguen escrites er occitan.
- Estenuda orientativa (entà òbres narratives):
 - Relat cuert: enquia 7.500 paraules
 - Relat long o novèlla cuerta: entre 7.500 e 20.000 paraules
 - Novèlla brèua: entre 20.000 e 40.000 paraules

- Novèlla estandard: entre 40.000 e 90.000 paraules
- Era extension aurà de perméter ua edicion viabla laguens deth marc deth prèmi.
- Es òbres auràn d'èster escrites en lengua occitana e, se son ena varianta aranesa, ajustar-se ara nòrma der Institut d'Estudis Aranesi – Academia Aranesa dera Lengua Occitana.

Prèmi:

Trofèu commemoratiu, diplòma e publicacion impresa dera òbra guanhadora

Modalitat B - Poesia (en tot includí'i poesia visuau o experimentau)

• Objècte:

Promòir era creacion poetica contemporanèa en lengua occitana, en quinsevolha des sues formes expressives.

• Requisites:

- Òbres inedites, o publicades, mès non premiades en d'auti concorsi.
- Se pòden presentar recuelhs poetics o projèctes de poesia visuau, virtuuu, sonora o performativa damb basa textuuu.

• Prèmi: trofèu commemoratiu, diplòma e publicacion impresa dera òbra guanhadora.

Modalitat C - Accion de promocion dera lengua occitana

• Objècte: arreconéisher iniciatiues individuaus, collectives o institucionaus qu'agen contribuït de manèra significativa ara promocion, difusion o normalizacion der occitan.

• Requisites:

- Presentacion d'un dossièr que documente eth projècte e eth sòn impacte.
- S'avalorarà era dimension territorial, era innovacion e er impacte educatiu o sociu.

• Prèmi: trofèu, diplòma commemoratiu e publicacion d'un dossièr de bones practiques sus eth projècte guanhador.

4. Participaires

Pòden participà'i autors e autores majors de 16 ans, de quinsevolha nacionalitat o territòri, damb òbres redigides integraument en lengua occitana (en quinsevolha varietat dialectau).

Es òbres en aranés auràn d'ajustar-se ara nòrma oficial der Institut d'Estudis Aranesi – Academia Aranesa dera Lengua Occitana.

5. Presentacion des òbres

- Eth termini de presentacion sera der 1 de noveme ath 10 de deseme de 2025.
- Es obres s'auran de presentar en format digiau (PDF) per correu electronic a administracion@institutestudisaranesi.cat, damb er aher "Premis Mn. Amiell 2025 – [Modalitat]".
- Cada participaire poderà presentar ua soleta òbra per modalitat.
- Es òbres anaràn signades damb pseudonim, e s'i junherà en un fichèr separat era ficha d'identificacion damb es donades següentes:
 - Nòm e cognòms
 - DNI o passapòrt
 - Adreça electronica e telefòn de contacte
 - Brèu nòta biografica (màx. 100 paraules)
- Er Institut d'Estudis Aranesi susvelharà es òbres arrecebudes e garantirà er anonimat des participaires enquiara deliberacion deth jurat.

6. Jurat

Eth jurat serà format per especialistes de prestigi en literatura, filologia e cultura occitana-aranesa, designadi pera Fondacion AGER e er Institut d'Estudis Aranesi – Academia

Aranesa dera Lengua Occitana.

Se garantirà ua composicion paritària, damb aumens un 40 % de representacion de cada sèxe, e se procurarà era diuersitat territoriala e generacionau.

Eth veredictes deth jurat serà inapel·lable.

7. Critèris d'avaloracion

- Qualitat literària, estetica e lingüística.
- Originalitat e aportacion ath còrpus literari en occitan.
- Coeréncia expressiva e adequacion ara nòrma lingüística.
- En cas dera modalitat C: innauacion, dimension territoriala e impacte social o educatiu.

8. Resolucion e liurament des prèmis

- Eth veredictes deth jurat se harà public pendent eth mes de deseme de 2025.
- Er acte oficiau de liurament se realizarà ena Val d'Aran, previst pendent era dusau quinze de deseme de 2025.
- Er acte serà retransmès eth dirècte per streaming a trauès des canaus digitaus der Institut d'Estudis Aranesi.
- Es òbres premiades seràn publicades e difonudes institucionalment en bibliotèques, centres culturaus e espacis educatius.

9. Proprietat intellectuau

Es dreus d'autor des òbres premiades demoren en proprietat des sòns autors o autores.

Maugrat açò, aguesti autorizen era Fondacion AGER e ar Institut d'Estudis Aranesi a publicar, reproduir e difonar es òbres premiades, en format imprés o digitau, laguens deth marc deth concors e damb finalitats culturaus e divulgatives non lucratives.

10. Acceptacion des bases

Era participacion en aquest concors implique era acceptacion intègra des presentes bases e era conformitat damb es decisions deth jurat.

Quinsevolh aspècte non previst serà resolut pera organizacion.

Difusion

- Hilats socials oficials (@PremisMnAmiell, @FundacioAGER, @InstitutAranesi)
- Bulletins e portaus institucionalaus deth Departament de Cultura e der Institut d'Estudis Aranesi.

Damb era collaboracion de:

